



Inatsisartunut ilaasortaq
Hans Enoksen

Uunga tunngatillugu: § 37 naapertorlugu apeqquteqaat nr. 128, 2015

28-05-2015
Sagsnr. 2015 - 1199
Dok. nr. 301996

Asasara Hans Enoksen,

Postboks 1029
3900 Nuuk

Tlf: +299 34 50 00
Fax: +299 32 20 73

Qujanaq apeqqutinnut. Aaku apeqqutinnut akissutit.

Email: liknn@nanoq.gl
www.nanoq.gl

Apeqqutit:

- 1. Nunatsinni ilagiinni sullinneqarnermi atorfillit palasit amigaataasut qassiuppat? Aammalu illoqarfinni sorlarni palasit amigaatigineqarpat?**
- 2. Palasit ilinniarsimasut qassit nunatsinni palasit atorfeqanngillat? Aammalu qinnuteqartarsimappata sooq atorfinitsinneqarneq ajorpat? Tassami ilagiinni sullissinermi palasit amigaatigineqarput.**
- 3. Ilanngullugu paaserusupparput misissuisoqarsinnaanersoq palasit ilinniarsimasut sooq palasit sulinnginnermut? Sunalu aporfiusarnersoq palasit sulissagunik.**
- 4. Illoqarfiit qanoq amerlatigisunik palaseqassappat, illoqarfiit taallugit akineqarnissaa kissaatigaarput.**
- 5. Ullumikkut palasit qassit nunatsinni atorfeqarpat?**
- 6. Kiisalu ajoqit qassit nunaqarfinni amigaataappat?**

Akissutit:

1, 4 aamma 5 pillugit: Naalakkersuisut ilisimatitsissutigisinnaavaat atorfitut akuerisaasunit 26-iusunut palasit maannakkut 23-t atorfeqartut. Illoqarfinni tamani palasimik ataatsimik atorfeqartoqarnissaa akuerisaavoq, kisiannili Ilulissat Sisimiullu pinnagit, taakkunani palasit marluk atorfeqarnissaat akuerisaavoq Nuummilu palasit pingasut atorfeqarnissaat akuerisaalluni. Illoqortoormiut maannakkut palaseqanngillat. Tamassuma saniatigut Sisimiuni palasi ataaseq kiisalu palaseqarfinni palasi angalasartoq amigaataavoq.

2 pillugu: Palasit aalajangersimasumik ilinniarnermik neqerooruteqartoqanngilaq, taamaammallu teologit pitsaassusilimmik soraarummeersimasut tamassumalu

kingorna Kalaallit Nunaanni Danmarkimiluunniit pastoralseminariumimiissimasut tamassumalu saniatigut ilinniarsimassutsikkut piginnaasallit palasinngortinneqarsimasut immikkoortinneqartarput. Eqimattani siullit suli palasiunngillat palasinngortinneqarsimasullu palasitut taaneqartarlutik. Naalackersuisut Biskopeqarfimmit ilisimatinneqarput palasinngortinneqarsimasut amerlassusaat naatsorsoqqissaarneqarnikuunngitsut.

Ilisimatitsissutigineqarsinnaavorli 2001-imiit inuit 23-t Ilisimatusarfimmi teologitut ilinniarneq naammassinikuugaat. Inunnit 23-nit taakkunanga qulit tamassuma kingorna palasinngortinneqarnikuupput. Qulinit taakkunanga qulingiluat nunatsinni palasitut atorfillit 23-t ilagaat.

Palasinik atorfinitsitsisarneq eqqarsaatigalugu ilagiit sinniisaasa ataasiakkaanik atorfinitsitsisarnerat apeqqutaavoq. Atorfinitsitsisarneq tassaavoq ilagiit sinniisaasa palasissaminnik ataatsimik aalajangersimasumik toqqaasarnerat. Palasitut atorfimmut qinnuteqartut ataatsimit amerlaneruppata qinnuteqartut isertortumik taasineq malillugu tulleriinnilersorneqartarput.

Biskoppi januaarip aallaqqaataata 2014-ip kingorna qinnuteqartut akornani aamma inassuteqaateqartartussaavoq. Biskoppip inassuteqaateqarnera tassaaneruvoq qinnuteqartut teologimik pastoralimillu nalilerneqarnerat.

3 pillugu. Taamatut misissuinermi ajornartorsiutivik tunngavigineqartariaqarpoq, Naalackersuisut Biskopeqarfiullu taamatut ajornartorsiuteqartoqarneranik maannakkut ilisimasaqanngillat. Naliliinermi tassani palasitut ilinniarsimasut palasinngortinneqarsimasutut paasineqarnerat aammaarluni tunngaviuvoq. Naalackersuisut taamaammat misissuinissaq aallartilersaanngilaat.

Palasitut ilinniarsimasut palasitut sulinissaminnut sunik aporfeqartarnerat pillugu apeqqut eqqarsaatigalugu, apeqqut taanna ilagiit sinniisaannut apeqqutaaneruvoq, tassa taakku oqaaseqaataat biskoppimullu inassuteqaataat tunngavigalugu Naalackersuisut aalajangiisarmata.

6 pillugu. Naalackersuisut Biskopeqarfimmit ilisimatinneqarput ilagiit naalagiartarfiini 73-iusuni ajoqit arfineq marluk maannakkut amigaataasut.

Inussiarnersumik inuulluaqqusilluta



Nivi Olsen